

山西通志

卷三十終

內閣文庫		
函	冊	號
二	六	三
八	九	九
架	冊	號
二	九	九
冊	冊	冊
架	冊	冊

內閣文庫		
函	冊	號
二	六	三
八	九	九
架	冊	號
二	九	九
冊	冊	冊
架	冊	冊

(四一四)

內閣文庫		
番號	漢	3969
冊數	692	(414)
函號	291	97



Kodak Gray Scale

A 1 2 3 4 5 6 M 8 9 10 11 12 13 14 15 B 17 18 19



© Kodak, 2007 TM: Kodak



山西通志卷之三十一

淺草文庫

藝文下

說

國朝薛瑄河崖蛇說

頰河居者為予言近年有大

崖樹顛垂首於河伺食魚鱉之類已而復上入穴

如端牢不可脫每其身一上則樹為起伏如弓

張弛狀久之樹枝披折蛇墮中數日蛇浮死水之

蛇為木之恠物所得欲起不能而墮邪余聞之唱

曰是蛇負其險毒稔其貪婪以食於河所恃以安

者尾束於樹耳使樹不折其生死猶未可知惟樹

折身墜遂死於河此殆天理也且使蛇得

水物貪其腥羶不舍而死固為枯強貪不知止

之戒使蛇為木之恠物所得但死亦可謂害物必

報之戒蛇惡物所不足道者但其事有近乎理故

山西通志

卷之三十一

一

書以告
來者

王雲鳳魯齊仕元說 世多譏 子仕元者昔者孔

若昭王卒用孔子孔子相楚必有元夏以變之

道將不周於東而周於南矣許子於元孔子於楚

一也父子君臣夫婦兄弟朋友人之大倫也父子

夫婦兄弟朋友皆知不可廢而獨于君臣廢焉聖

賢不為也元之不能相許子斯民之不幸也若貴

許子不踰垣閉門以潔其身則孔子故曰果哉莫

之難矣孔子之汲汲於世者何居但許子雖聞道

而未大恐無立斯立道斯行之志譬之捕虎馬下

莊子操戈而往則人知其不能獲虎矣孔子於楚

卞莊子刺虎也許子於元里之丈夫刺虎也不為

虎傷足矣然則許子隱而不出可也

晉王求桂說 九月廿三日 夜星月交燦清涼如晝

颯漏聲已下三鼓矣予擁褐啓牖而觀苔堦若練

非月非霜命童子出而視之曰風吹茶爐灰飛

地予笑曰汝尚夢中眼也即傾爐灰恐弗能滿堦

焉能偏地哉汝當掬之童子復曰其薄如紙其滑

如膏舞風而來若絮若毛予喜曰此雪之靈也

頃然偏堦化而為露於是取筆賦短句以紀之

書 **虞關侯辭曹書** 切以日在天之上

以表丹誠丹誠者信義也某昔受降之日有言曰

主亡則輔主存則歸新受曹公之寵顧文蒙劉主

之恩光丞相新恩劉公舊義恩有所報義無所斷

今主之托某以知望形立見覓迹末功刺顏良于

馬誅文丑于南坡丞相厚恩滿有所報每留留

所賜之物盡在府庫封緘伏望言慈俯垂鑒照

謝曹書 某聞主憂臣辱主辱臣死 曩所以不死欲

飛越神已先馳惟明公幸少矜之千里追隨當不

計利害謀生死也子女玉帛之貲勒之寸丹他日

幸以旗鼓相當退俟三舍意者亦

又云劉豫州有言尉佗秦之小吏今猶獨立不詭

使明公威德布於天下幹旋漢鼎窮海內外

又云明公布大義於天下而速取自樹非某之所

辱之敢知君猶是漢也某敢不臣漢哉敢拜嘉命

與張文遠書魯仲連東海之匹夫耳為齊下士然

可使負漢耶且耻不帝秦職為通侯列漢元宰獨

鮑宣上論丁傳董賢等書竊見孝成皇帝時外親

克塞朝廷妨賢人路濁亂天下奢泰亡度窮困百

姓是以日蝕且彗星四起危亡之徵陛下所親

見也今柰何反覆劇於前乎朝臣亡有大儒骨鯁

白首者艾魁壘之士論議通古今喟然動衆心憂

國如飢渴者臣未見也敦外親小童及幸臣董賢

等在公門省戶下陛下欲與此其承天地安海

內甚難今世俗謂不智者為能謂智者為不能昔

堯放四罪而天下服今除一吏而衆皆惑古刑人

尚服今賞人反惑請寄為姦群小日進國家空虛

用度不足民流亡去城郭盜賊並起吏為殘賊歲

增于前凡民有七亡陰陽不和水旱為災一亡也

縣官重責更賦租稅二亡也貪吏並公受取不已

三亡也豪強大姓蠶食亡厭四亡也苛吏繇役失

農桑時五亡也部落鼓鳴男女遮避六亡也盜賊

劫略取民財物七亡也七亡尚可又有七死酷吏

歐殺一死也治獄深刻二死也冤陷無辜三死也

盜賊橫發四死也怨讐相殘五死也歲惡饑餓六

死也時氣瘟疫七死也無一生欲望刑措誠難此

國安誠難民有七死而無一生欲望刑措誠難此

非公鄉守相貪殘成風之所致邪群臣幸得居尊

官食重祿豈有肯加惻隱於細民助陛下流教

化者邪志但在營私家稱賓客為姦利而已以苟

容曲從為賢以拱默尸祿為智謂如臣宣等為愚

陛下擢臣巖穴誠冀有益豪毛豈徒欲使臣美食

大官重高門之地哉天下乃皇天之下也陛下

下上為皇天子下為黎庶父母為天牧養元元視

下上為皇天子下為黎庶父母為天牧養元元視

下上為皇天子下為黎庶父母為天牧養元元視

下上為皇天子下為黎庶父母為天牧養元元視

下上為皇天子下為黎庶父母為天牧養元元視

下上為皇天子下為黎庶父母為天牧養元元視

下上為皇天子下為黎庶父母為天牧養元元視

下上為皇天子下為黎庶父母為天牧養元元視

下上為皇天子下為黎庶父母為天牧養元元視

下上為皇天子下為黎庶父母為天牧養元元視

下上為皇天子下為黎庶父母為天牧養元元視

下上為皇天子下為黎庶父母為天牧養元元視

下上為皇天子下為黎庶父母為天牧養元元視

下上為皇天子下為黎庶父母為天牧養元元視

下上為皇天子下為黎庶父母為天牧養元元視

下上為皇天子下為黎庶父母為天牧養元元視

下上為皇天子下為黎庶父母為天牧養元元視

之當如一合尸鳩之詩今貧民菜食不厭衣又穿
 空父子夫婦不能相保誠可為酸鼻 陛下不救
 將安所歸命乎柰何獨私養外親與幸臣董賢多
 賞賜以大萬數使奴從賓客漿酒霍肉蒼頭廬兒
 皆用致富非天意也及汝昌侯傳商亡功而封夫
 官爵非 陛下之官爵乃天下之官爵也 陛下
 取非其官官非其人而望天說民服豈不難哉方
 陽侯孫寵宜陵侯息夫躬辨足以移衆疆可用獨
 立姦人之雄或世充劇者也宜以時罷退及外親
 幼童未通經術者皆宜令休就師傳急徵故大司
 馬傅喜使領外親故大司空何武師丹故丞相孔
 光故左將軍彭宣經皆更博士位皆立三公智謀
 威信可與建教化圖安危龔勝為司直郡國皆慎
 選舉三輔委輸官不敢為姦可大委任也 陛下
 前以小不忍退武等海內失望 陛下尚能容亡
 功德者甚衆曾不能忍武等邪治天下者當用天
 下之心為心不得自專快意而已也 陛下上之皇天見
 譴下之黎庶怨恨次有諫爭之臣 陛下苟欲自
 薄而厚惡臣天下猶不聽也臣雖愚戇獨不知多
 受祿賜美食大官廣田宅厚妻子不與惡人結仇

怨以安身邪誠迫大義官以諫爭臣為職不敢不
 竭愚惟 陛下少留神明覽五經之文原聖人之
 至意深思天地之戒臣呐鈍
 於辭不勝惓惓盡死節而已

隋王績答馮子華處士書

奉別甫爾已十餘年誦

人生一世忽同過隙合散消息周流不居偶逢其
 適便可卒歲陶生云富貴非吾願帝鄉不可期又
 云盛夏五月跛脚北牕下有涼風暫至謂是羲皇
 上人嗟乎適意為樂雅會吾意吾河渚間有先人
 故田十五六頃河水四遠東西趨岍各數百步古
 人云河濟之濱宜黎况中州之腴乎家兄鑒茲通
 照知吾縱恣散誕不閑拜揖糠粃禮義錙銖功名
 亦以俗外相待不拘以家務至於鄉族慶弔閨門
 婚冠寂然不與者已五六歲矣親黨之際皆以山
 糜野鹿相畜性嗜琴酒得盡所懷幸甚幸甚近復
 都廬棄家獨坐河渚結構茅屋并厨廐總十餘間
 奴婢數人足以應役用天之道分地之利耕耘蔗
 蓀黍稷而以春秋歲時以酒相續兼多養鳧鴈廣
 牧鷄豚黃精白朮枸杞薯蕷朝夕採掇以供服餌

床頭素書數帙莊老及易而已過此已往罕嘗或
 披忽憶弟兄則渡河歸家維舟岸側興盡便返每
 遇天地晴朗則於舟中詠大謝亂流趨孤嶼之詩
 或與舟人漁子方潭並釣悅仰極樂戴星而歸歌
 詠以會意為巧不必與夫悠悠問人相唱和也孤
 住河濱傍無四隣聞犬聲望煙火便知息身之有
 地矣近復有人見贈五品地黃酒方及種薯蕷狗
 杞等法用之有妙力省功倍不能暇修混沌並常
 行之裴孔明雖是異名教物然風月之際往往有
 高人體氣兼特受巧信思若有神自作素琴一張
 云其材是嶧陽孤桐也近携以相過安軫五柱龍
 唇鳳翮實與常琴不同發音吐韻非常和即吾家
 三兄生於隋末傷世擾亂有道無位作汾亭操蓋
 孔子龜山之流也吾嘗親受其調頗為典盡近得
 裴生琴更習其操洋洋乎覺聲器相得今便留之
 恨不得使足下為鍾期良用歌然吾所居南渚有
 仲長先生結菴獨處三十載非其力不食傍無侍
 者雖患瘖疾不得交語風神肅肅可無俗氣携酒
 對飲尚有典刑先生又作處獨游頌及河渚先生

傳聞物寄道懸解之作也時取翫讀便復江湖相
 忘吾往見薛收白牛溪賦韻趣高奇詞義晦遠嗟
 噉蕭瑟真不可言壯哉邈乎楊班之儔也高人姚
 義常語吾曰薛生此文不可多得登太行俯滄海
 以深極矣吾近作河渚獨居賦為仲長先生所見
 溪賢共許之也亂極則治生途漸亨天災不行
 年谷豐熟人克其朝農夫滿於野吾徒江海之
 士擊鼓腹輪太平之稅耳帝何力於我哉又知
 房李諸賢肆力廟廟吾家魏學士亦申其才公卿
 勤勤有志於禮樂元首明哲股肱為良何慶如之
 也夫思能獨放湖海之士才堪濟世王者所須所
 恨姚義不從薛生已歿使雲羅天網者有所不該
 以為歎恨耳吾比風痺發動常劣不能佳然烟
 霞山水性之所適琴瑟酒賦不絕於時時遊人間
 出入郊郭暮春三月登於北山松栢群吟藤蘿翳
 景意甚樂之箕踞散髮與鳥獸同群醒不亂行醉
 不干物賞洽興窮還歸河渚蓬室甕牖彈琴誦書
 優哉優哉聊以卒歲首夏漸熟足下何如也願動
 息多宜黃類之聚何時暫忘偶日南風畧示所懷

敬願珍厚不
一一王君白

國朝王雲鳳上楊太宰書

伏惟晉位太宰竊為天

敢效劉元城不通司馬公書之義也以時多事端
每一把筆輒長太息而止又不欲瑣瑣作世俗寒
暄語是以因循至今近於咨文中始見陞少保益
慶位愈崇而志可大行也山中屢聞忠謹之言近
者留王昂一疏尤為人所傳誦不聞唐介初貶之
時潞公有此也執事於是乎加人一等矣然介雖
貶數月之間兩轉未久而復其殿中侍御史今王
昂既不獲還之青瑣則推薦超陞在執事筆端焉
耳他日秉史筆者書此一行豈不足以照耀今古
哉每恨李文達近稱賢相然惡羅倫淪落以死擯
岳正坎珂終身而極貪之陸布政反得峻擢今文
達之富貴安在哉一時快意可畧也前輩影樣之
多後人是非之公可畏也一人私情可畧也天下
指視之嚴史氏紀載之實可畏也一身極榮極貴
極富可畧也每日光陰之易去過者不復可補百
年歲月之無多來者未必可追可畏也且用舍之

間士風所繫扶持人則善類慶而士風振獎進

邪人則善類沮而士風頹竊恐有奔趨富貴瞻談

利達之人相見之際非稱功頌德之詞則乞憐求

官之語未有以直諒之言達於德聰以古人功業

望執事者故雲鳳敢布其愚焉惟雲鳳於執事可

以此言進故不須忌諱雲鳳迂陋孤蹤疊辱薦藁

今蒙委以巡撫重寄感激之餘慚懼交至義病殘

喘豈堪任事不敢祇受只當耕田納稅為畎畝之

餘民養親讀書忘歲月之不我豈有夢寐更著冠

束帶耶惟俯垂憐念縱猿鹿於林莽之外投魚蝦

於澠河之中使各得其性焉則雲鳳未死之年皆

執事之賜也倘執事他日而南雲鳳尚當杖竹跨

竹跨驢侯門下於待隱之園或隨杖履登金山之

巖把酒酌江以吊千古之豪豈不快哉官之崇卑

有無何足掛之齒頰間也群盜平天下蒼生之慶

此固諸君子之力而執事運謀發縱知人用賢之

功當受首上賞然釋楚之懼平吳之憂古人蓋有

深意而外患既寧則有識者尤未可高枕而臥也

箴銘

莊子虞箴

莊子虞箴 茫茫禹跡畫為九州經啓九道民有
寢廟獸有豐草各有攸處德用不擾
在帝夷羿冒于原獸忘其國恤而思其虜社武不
可重用不恢于夏家獸臣司原敢告僕夫經一畫
也寢所以居廟所以祠也夷羿之氏冒貪也恤謂
事之當憂者虜恢大也○愚謂有窮后羿纂夏
代立後為家衆殺而烹之其究逆至此而周之虞
人猶以帝稱之者非尊之也蓋特以戒夫君天下
者不可以不慎而有
從獸無厭之心也

楊雄冀州箴

楊雄冀州箴 洋洋冀州鴻原大陸嶽陽是都島夷
夷皮服潏潏河流表以碣石三后攸
降列為侯伯隆周之末趙魏是宅冀土糜沸炫法
如湯更盛更哀載從載橫漢興定制改烈藩王故
治不忘亂安不忘危
牧臣司冀敢告在皆

并州箴

并州箴 雍別朔方河水悠悠北辟獯鬻南界涇流
盡茲朔土正貞幽方自昔何為莫敢不來
貢莫敢不來王周穆遐征犬戎不享爰藐伊意侵
玩上國宣王命將攘之涇北宗幽罔識日用爽蹉

既不俎豆又不干戈犬戎作難斃于驪阿太上曜
德其次曜兵德兵俱顛靡不悴荒牧臣司并敢告
綱執

孫楚反金人銘

孫楚反金人銘 晉太廟有石人馬太張其口而
書其背曰我古之多言人也無
少者無少事少言少事則後生何述馬夫惟立名
名乃長久胡為塊然生鉗其口凡夫貪財烈士殉
名盜跖為濁夷柳為清鮑肆為臭蘭圃為馨莫貴
澄清莫賤滓穢二者言異歸于一會堯懸諫鼓舜
立謗木聽采風謠惟日不足道潤群生化隆比屋
未葉陵逢禮教彌衰承旨則順忤意則違時好細
腰宮中皆饑時悅廣額不作細眉逆龍之鱗必陷
斯機括囊無咎乃免誅夷顛覆厥德可為傷悲期
可用戒無妄之時假說周廟于
言為蚩是以君子追而改之

孫綽太平山銘

孫綽太平山銘 巍哉太平峻踰華霍秀嶺樊縕奇
峯挺嶸上干翠霞下籠丹壑有士
冥遊默往奇託肅形枯林映心幽漠亦既觀止渙
馬融滯懸棟翠微飛宇雲際重巒蹇產迴溪縈帶

被以青松洒以素瀨
流風佇芳翔雲停藹

唐呂溫撰傳巖銘

昔商高宗恭默思道至誠動天

降神夢中審形旁求寔得于此曾不待敷奏以言
明試以功脫刑人之衣被公衮之服授受之際君
不疑臣不慙大哉逸乎商之所以興也若非武丁
之心同乎天地傳說之德通乎神明何盛會訢合
如此其易鳴乎見賢非難知之為難知之非難用
之為難用之非難特達為難君人者苟以特達為
心假無商宗之夢必自得說不然則雖使咎夔稷
契盡入其庭亦葉公之見龍反疑懼矣况氤氲之
中乎恍惚之際乎銘曰赫赫湯德如日不滅滔滔
商祚如海不竭發祥播氣世作聖哲國誕武丁野
生傳說說始胥靡武丁即祚德通神交忽夢如悟
若帝導我期于顯素有無之間邂逅相遇宵衣而
起爰得其人貌符心契如舊君臣飛龍在天山川
出雲感激自致其間無因捨築傳岩脫鱗鵬升作
霖時和奮濟川澄金在汝礪木從吾繩君何言哉
殷道中興元凱攀研微舜曷階阿衡要湯抱鼎俳

徊會合之際厥惟艱哉何如夢中天授神開惟賢
是登道貴特達匪次勿用才其壅遏高宗得說乃

在恍惚揭銘摘
光萬古不沒

梁昇卿二賢銘

二公諱伯夷叔齊昔有殷時遼東

以來事之善者莫先於讓是故君老於位命立叔
齊固辭以請伯固請以不嗣遂相與義退遁迹
西周常是時也帝殷不滅用錯天紀人棄莫保以
戴于周周武王秉白旄杖黃鉞經綸所以撥亂威
畧所以讐罰雷震萬國風行六師二公于時推忠
臣之誠明死君之節伏車而諫慷慨瀝血且夫大
運不以時曠達節不以義距然黔首馬得以厭毒
鬼神焉得以無主于是討罪于商為天下王二公
以立志貞也檢身操也建仗戡難不可以關也以
臣伐君不可以訓也相於國莫非其土異於事不
食其粟乃西上首陽之山歌采薇而死蓋天下義
感之始也及孔子生東周之季演中興法游夏之
徒皆誨納于教未嘗叙仁人烈士不先于二公者
焉謂不辱其身不降其志矣若乃紛綸茂德載在

策府則秦伯之道子臧之仁也上思附義退日能
賢則宋穆之言延陵之行也道無不貴志不苟合
則由之尚伯成之高也聲垂事載功存業廣則范蠡
仲之居夷逸之放也聲垂事載功存業廣則范蠡
之去魯連之辭也此數公者至于黜榮保讓亦為
盛矣兼之固君臣之分以愛其節何可以同議也
所謂繼之者忠矣仗之者義矣施之者誠矣明之
者確矣昭矣至矣躋矣允矣上古無以加百代為
之憲越大梁歲行于是邦遇縣宰太原王公惠工
訓農勸學敬教群業頌以繫賴四方咨于作則邑
臨未周人悅有化以為二公廟德不祀實甚懼馬
復何以圖不朽示來者而已遂因簡力考餘時經
始是資敦密舊規厥構棘翼自公居之然則表前
載揚懿烈使駿光熙熙彰紀事也以吾學乎舊史
氏請隙其文固不佞乃作銘曰大道混混或險夷
兮殷實荒德莫業于主人神凝兮帝用克商大運
期兮天下爭利而獨奔義貞名垂兮神農虞
夏氏已沒曷所惟兮斷石千秋聞風規兮

韓愈撰柳宗元誌銘

子厚諱宗元七世祖慶為拓跋魏侍中封濟陰公曾伯祖

奕為唐宰相與褚遂良韓瑗俱得罪武后死高宗
朝皇考諱鎮以事毋棄太常博士求為縣令江南
其後以不能媚權貴失御史權貴人死乃復拜侍
御史號為剛直所與游皆當世名人子厚少精敏
無不通達逮其父時雖少年已自成人能取進士
第嶄然見頭角眾謂柳氏有子矣其後以博學宏
辭授集賢殿正字雋傑廉悍議論證據今古出入
經史百子踔厲風發卒常屈其座人名聲大振一
時皆慕與之交諸公要人爭欲令出我門下交口
薦譽之貞元十九年由藍田尉拜監察御史順宗
即位拜禮部員外郎遇用事者得罪例出為刺史
未至又例貶州司馬居閑益自刻苦務記覽為詞
章汎濫停蓄為深博無涯涘而自肆於山水間元
和中嘗例召至京師又偕出為刺史而子厚得奔
州既至嘆曰是豈不足為政耶因其上俗為設教
禁州人順賴其俗以男女質錢約不時贖子本相
侔則沒為奴婢子厚為設方計悉令贖歸其充貧
力不能者令書其傭足相當則使歸其質觀察使
下其法於他州比一歲免而歸者且千人衡湘以
南為進士者皆以子厚為師其經承子厚口講指

畫為文詞者悉有法度可觀其召至京師而復為
 刺史也中山劉夢得禹錫亦在遣中當詣播州子
 厚泣曰播州非人所居而夢得親在堂吾不忍夢
 得之窮無辭以白其大人且萬無母子俱往理請
 於朝將拜疏願以柳易播雖重得罪死不恨遇有
 以夢得事白上者夢得於是改刺連州嗚呼士窮
 乃見節義今夫平居里巷相慕悅酒食游戲相徵
 逐詡詡強語以相取下握手出肺肝相示指天日
 涕泣哲生死不相背負真若可信一旦臨小利害
 僅如毛髮比眼若不相識落陷奔不一引手救反
 擠之又下石焉者皆是也此宜禽獸夷狄所不忍
 為而其人自視以為得計聞子厚之風亦可以少
 愧矣子厚前時少年勇於為人不自貴重顧藉謂
 功業可立就故座廢退又無相知有氣力得位者
 推挽故卒死于窮裔材不為世用道不行於時也
 使子厚在臺省時自持其身已能如司馬刺史時
 亦自不斥斥時有人力能舉之且必復用不窮然
 子厚斥不又窮不極雖有出于人其文學辭章必
 不能自力以致必傳於後如今無疑也雖使子厚
 得所願為將相於一時以彼易此孰得孰失必有

能辦之者子厚以元和十四年十一月八日卒年
 四十七以十五年癸卯十月十日歸葬萬年老人墓側
 子厚有子男二人長曰周六始四歲李曰周七子
 厚卒乃生女子二人皆幼其得歸葬也費皆出觀
 察使河東裴君行立行立有節槩立然諾與子厚
 結交子厚亦為之竟竟賴其力葬子厚於萬年之
 墓老舅弟盧遵遵性謹慎學問不厭自子厚之
 斥尊從而家焉逮其死不去既往葬子厚又將經
 紀其家庶幾有始終者銘曰是惟
 子厚之室既固既安以利其嗣人

國朝 郭登大同新鍾銘 國朝奄有萬方薄海內外

也當西北之衝極遐荒之外統鎮諸衛藩屏一方
 其城府之森然民兵之繁庶賓旅之會通星羅雲
 布毛聚鱗次視他鎮為尤甚焉城西面舊有麗譙
 特懸鳴鐘以嚴朝夕之禁鍾乃亡金遺物久之以
 追蠹故敝自毀于地于時太監裴公少監馬公左
 副都御史年公監丞阮公叅將潘公暨予小子寔
 鎮是邦重為親藩封建之地百族錯居不啻數十
 萬計體大事殷不假器以齊之無以一民心定民

志整衆敷號而俾政令之行也夫興廢補弊汲汲
 焉弗以安逸自圖固爲政之當務顧惟述舊作新
 之難必合衆志而後可乃下其意於官僚庶士至
 於黃髮耆艾野夫版戶率咨嗟悼惜僉曰宜哉於
 是度命司府守官怒指揮畢瑛知府霍瑄往蒞其
 事洎時之吉法倅之制積精金召良治火官進而
 風師趨鳧氏幸而陶人相範陰陽之數合神鬼之
 功薄厚爲均侈儉不爽惟其衆智臻微故能一鼓
 卽就於戲夫八音以金爲宗衆樂以鍾爲主聖人
 建法作器以合時制之宜以通天下之利豈徒然
 哉故鍾之爲象窮窿混圖儀天之形洪溼中虛體
 道之中惟大用有容故感之則通雖大音希聲而
 叩之卽應不以時之周舍而違其度不以考之輕
 重而失其和惟其受氣之克故能發響於無窮焉
 若夫運大化而彰天聲發雷霆而震萬物潼溶汪
 洋鏗錡鏜鎔不疾不徐不石不播銳而可以通于
 九天幽而可以徹乎九地遠而可以達乎四境宣
 鬱湮之氣災厲以之而蕩散協神人之和邦國以
 之而清寧夫舜韶作而麟鳳不鄒律噓而寒谷暖
 斯物理之相感而聲容之自然也至于激越於霜

晨凌厲於月夕于門徹萬尹警莫不踈然而驚惕
 然而悟收其放心啓其墮志抱關者臻嚴夜行者
 知止君子思脩身而日進乎高明小人知畏法而
 至免於刑戮其於天道之感召人事之脩節豈曰
 小補之哉維時仲月屆吉鴻美告成冀簾將縣華
 鯨遄發不有新文何以副當時而昭來世也乃系
 之銘曰八音之宗厥美爲鍾大而能受虛中有容
 肖形於天體道之中一氣自然其聲乃宏惟古雲
 中西北之衝地大而盛親藩所封自族錯居星布
 雲從晨昏之驚是訓是崇舊物既致奚作新鑄法
 倅之制叶吉鳩工左勅封帥右石祝融搏泥爲範
 金精在鎔陽舒陰慘妙合神融華星散揮液竇旁
 通太乙守鑪神光燭虹六丁呵護一鼓奏功侈儉
 不爽厚薄惟中旋蟲乃懸飛閣凌空華鯨遄發大
 音鏗礮遠達四境高聞九重安和二氣節宣八風
 毆除災沴矜蠻登豐政令齊一民用和同夙興夜
 寐罔敢墮慵樂極相保嘉祥萃克靈器所在百神
 致恭徹千萬年聖治日隆稽我銘章昭示無窮

議辯

唐陸龜蒙象耕鳥耘辯

世傳舜之在下也田於歷山象為之耕鳥為之耘聖

德感召也如是余曰斯異術也向聖德與孔子叙書於舜曰睿哲文明聖德止於足而已矣何感召之云乎然象耕鳥耘之說吾得於農家請試辯之吾觀耕者行端而徐起塚欲深歎之形魁者無出于象行必端履必深法其端深故曰象耕耘者去莠舉手務疾而畏晚鳥之啄食務疾而畏奪法其疾畏故曰鳥耘試禹之績大成而後薦之於天其為端且深非得於象耕乎去四凶恐害于政其為疾且畏非得於鳥耘乎不然則雷澤之漁河濱之陶一無感召何也豈盛德有時而不德耶孟子曰堯舜與人同耳而好事者張以就其恠恠非聖人之意吾病其書之異端敲之使合于道人其從我乎雖不從吾亦不能變其說

柳宗元桐葉封弟辯

古之傳者有言成王以桐葉與少弟戲曰以封汝周公入

賀王曰戲也周公曰天子不可戲乃封小弱弟於唐吾意不然王之弟當封耶周公宜以時言于工不待其戲而賀以成之也不當封耶周公乃成其不中之戲以地以人與小弱弟者為之主其得為聖乎且周公以王之言不可苟焉而已必從而成之乎設有不幸王以桐葉戲婦寺亦將舉而從之乎凡王者之德在行之何苦設未得其當雖十易之不為病要于其當不可使易也而况以其戲若戲而必行之是周公教王遂過也吾意周公輔成王宜以道從容優樂要歸之大中而已必不逢其失而為之辭又不當束縛之馳驟之若牛馬然急則敗矣且家人父子尚不能以此自克况號為君臣者耶是直小丈夫缺缺者之事非周公所宜用故不可信或曰封唐叔史佚成之

柳宗元撰左常侍柳渾諡議

伏以魯史褒貶虞書黜陟彰善瘴惡王教

之端自周公以來諡法未改謹按柳公累歷臺閣清贊茂著名節真亮存誠潔廉中禮納忠為諍臣之表出守乃牧人之良刺舉必聞清澄可紀冒危而大節不奪更名而純誠克彰遂踐鼎司以匡王國奉上盡陪輔之忠退迹有推讓之高珪璋聞望洽於人聽所以聳厲在位關於政教聲聞王者其

事寔繁褻善勸能固將不廢宗元既當族屬且又通家傳信克備其遺芳考行取徵於故事謹具署其懿績布以愨詞定諡之制請如律令僅狀下太常博士裴堪諡議

柳宗元晉文公守原議 晉文公既受原於王難其

余謂守原政之大者也所以承天子樹霸功致命諸侯不宜諱及媒近以忝王命而晉君擇大任不公議於朝而私議於宮不博謀於卿相而獨謀於寺人雖或衰之賢足以守國之政不為敗而賊賢失枚之端由是滋矣况當其時不乏言議之臣乎狐偃為謀臣先軫將中軍晉君疏而不谷外而不求乃卒定於內豎豈可以為法乎且晉將襲齊相之業以翼天子乃大志也然而齊桓任管仲以興淮豎刀以敗則獲原啓疆適其始政所以觀視諸侯也以土則大以力則疆以義則天子之冊也誠畏之矣烏能得其心服哉其後景監得以相衛鞅弘石得以殺望之誤之者晉文公也嗚呼得賢臣以守大色則問非過問舉非過舉也然猶羞當時陷後代若此况於問與舉又兩失者其何以救之哉余故著晉君之罪以附春秋許世止趙盾之義

元柳貫撰杜思敬諡文定議 培之厚者其未大得

忠臣必於孝子之門論王佐必考正學之自乃若故中書左丞思敬由其父奮起行伍顯立勲勞遂得給衛世祖皇帝潛邸及遊許文正公之門益知講學源委初仕御史臺都事轉治書侍御史權姦伏辜臺臣以失言迸逐世祖獨亮其忠命蒞職如故無幾除戶部侍郎歷右司左司郎中出為順德安西總管就僉陝西行中書省事行移汴梁總管復入為侍御史議事上前首當帝意拜中書叅知政事進四川行省左丞以疾不行召誠為格左丞彌綸庶政匡贊洪圖大抵以忠誠為格君之本以安靖為出治之基進退適宜始終全德所謂西平之家有子而河汾之門多賢豈不信哉諫行易名所以勸善矧茲丞弼歷事一朝可無美諡申示褒旌謹按諡法敬直慈惠曰文踐行不爽曰定諡曰

國朝

程敏政讀將鑑博議

凡為將者當觀其大節

功之成敗予嘗慨夫戴溪之論關羽也其言曰羽輕信寡謀貪前利而忘後患矜已傲物犯眾怒而失人心意以羽嘗逐權之置吏罵權之請婚而乃受呂蒙之許虛內攻外至於敗亡為輕信寡謀之過又以為羽之攻樊也嘗以軍資不給將還治糜芳傅士仁之罪故吳兵一動二子皆降夫一介之士豈有死友羽為主將不能以恩離為矜已傲物之過嗚呼羽之在厚曰吾受劉將軍恩誓以共死當耳其後解白馬之圍盡封其所賜而奔昭烈然則惇天下之大信者羽也昭烈與曹操共獵羽欲殺操昭烈不從夫孔明以王佐之才至於操曰此誠不可爭鋒使當時從羽之言則漢有成之韓稚矣羽之下襄陽斬龐震華夏博議徙許以避其銳無謀則負天下之大謀者羽也權與昭權乃漢臣方將戮力王事以圖倚之虛內曹操脅天子以令諸侯不

於荆州之吳人以昭烈為無功不當得而漢亦以為然予獨以為曹操之東下也魯肅親謂權曰劉豫州天下梟雄與操有隙如使豫州撫劉表之眾同心治操天下可定也孔明請援於權權亦謂非劉豫州莫可以當操者夫豈以昭烈身之勇兵之強哉實江東之人欲藉重於王室之胄庶操之逆而我為止耳蓋操逆我正則神思奮有必勝之理使赤壁之下非則權操均賊勝否不可以逆正決矣荆州分地昭烈豈無謂而得之者哉權無故欲并之而置三郡長吏則直在漢曲在權羽之逐之宜耳忍辱而婚其讐春秋之所非也權既反覆小人羽烏得而婚之矧羽知春秋識禮義而權以姝妻昭烈之事又自可鑒羽之絕之亦宜耳軍資不給當以軍法從事使羽不加之意則失其所以為將者矣知人之誓聖堯猶難羽亦烏能逆料芳與士仁襲漢之衣冠而甘為臣虜者哉凡若此者謂之矜已傲物吾不知其可也羽之善待卒伍見稱於昭烈而溪謂羽不能以恩撫下昭烈與羽情若兄弟其死也棄中原之讐為伐吳之舉千載之下得死友者莫如

山西通志 卷之二十一 三十一 十四

羽而溪以是譏之是皆近於誣矣乃貪前利而忘後患可以詆孫權犯眾怒而失人心可以詆曹操皆不以詆羽何也昭烈跨有益州漢中之地帶甲百萬而孔明之為臣權能保其必勝乎慮不及此而乃區區於襲羽使天尚祚漢昭烈不死兵連禍結何時而已乎故曰貪前利而忘後患者非羽也權也漢有天下四百餘年曹操一旦欲攘其位而柄其政君其人故昭烈起兵徐州則郡縣多叛曹應漢耿紀韋晃之流位不過少府司置而伐曹不克矢死無悔當時扼腕於下者可知矣故曰犯眾怒而失人心者非羽也操也為漢者何故以僭竊及逆之事務欲取而加諸忠義正直之臣乎至於篇末乃曰羽固非良將矣然古今稱之者以其忠義大節足以仰高於後代也嗟呼古所謂良將者豈獨以其勇而已哉伊尹去桀以就湯太公避紂而佐武王兄為將者莫良焉以其識去就而以除殘去暴為心耳漢末群雄鼎沸袁曹勢可以帝天下而羽委質於昭烈盡瘁乃已豈有所顧望者哉所謂良將若羽是矣而溪曾不之識則是重羽之無成為可惜而輕其大節為可後也夫成敗出

於天而大節存乎人古之仁人志士盡其在已者耳豈能責成於天耶善乎蘇洵曰世多奇呂蒙之功以予所見乃小人舞智不足取也溪烏足以與此

賦辭

漢楊雄上河東賦

伊年暮春將瘞后上禮靈祇謂汾陰於東郊因茲以勒崇垂鴻

發祥隕祉歛若神明者盛哉鑠乎不可載已于是命群臣齊法服整靈輿迺撫翠鳳之駕六先景之求掉犇星之流旃覆天狼之威弧張耀日之玄旂揚左纛被雲梢奮電鞭驟雷輻鳴洪鍾建五旌義和司日顏倫奉輿風發飈飛神騰鬼趯千乘霆亂萬騎屈矯嘻嘻旭旭天地彌歛丘趾繙涌謂躍涇秦神下讐跼魂負汾河靈夔踢風華蹈衰遂臻陰宮穆穆肅肅踳踳如也靈祇既鄉五位時叙細緼玄黃將紹厥後於是靈輿安步周流容與以覽厚介山嗟文公而愍推兮勤大禹于龍門灑沈菑於豁瀆兮播九河於東瀕兮登歷觀而遙望兮聊浮游以經營樂往昔之遺風兮喜虞氏之所耕瞰帝唐

之高高兮眈隆周之大寧汨低回而不能去兮行
睨咳下與彭城濊南巢之坎珂兮易翮岐之夷平
乘翠龍而超河兮陟西岳之曉晴雲震靈而來迎
兮澤滲瀉而下降鬱瀟條其幽藹兮滃汎沛以豐
隆叱風伯於南北兮呵雨師于西東參天地而獨
立兮廓盪盪其亡雙遵逝厚歸來以函夏之大漢
兮彼曾何足與比工建乾坤之貞兆兮將悉揔之
以群龍麗勾芒與驂蓐兮收服玄冥及祝融敦衆
神使式道兮奮六經以攄頌諭於穆之緝熙兮過
清廟之雖雖軼五帝之遐迹兮躡三皇之高蹤既
發軔於平盈兮誰謂路遠而不能從

班彪冀州賦

夫何事於冀州聊托公以遊居歷丸
嶷嶷登北岳而高遊建封壇於岱宗瘞玄
王於此丘偏五岳與四瀆觀滄海以周流

唐呂令問襄華貫洪河賦

以太極經始純坤傾東勢
靈闢襄華象開洪濛橫大野以嶽鎮氣以川融於是
崇爾其沓章無際連波方永噴激萬里迴合千嶺

揔嶠函之氣象壓秦晉之封境山之河潤上騰雲
雨之祥水與時清下倒巖巒之影若乃騁遠望馮
層城扶爽元氣朝昇大明偉連天之浩漢壯發地
之崢嶸翠岫屏擁澄瀾砥平疑白虹飲壑而半隱
似寒雲抱塞而初橫及夫俯臨迫察詭嚴雄悍峻
勢而不塞源注而常滿積陰騰氣與嵐色而相鮮
爍日生霞連榮光而不斷觀其蓄含精秀孕育風
霆應會昌運發揚炳靈茂賢傑於間出翊邦家而
永寧况乎山積鴻休川流景福明徵祥瑞幽贊化
育此其所以配乾坤此其所以稱嶽瀆豈徒玩夫
素帶委注連開翼張巍巍峩峩浩浩湯湯于天之
峻極赴海之靈長而已士有圭竇強學金門獻賦
困陶侃之無津耻孫弘之不偶覽襟帶而增氣追
聖賢而遐慕想劉公之嘆微禹其魚感吳子之言
在德爲固義由景行仰高山而自慙志切朝宗
與大海而同注倘餘潤之波及期變化于雲路
楊迺舜歌南風賦 巍巍舜德于今人稱居北極而
制絲桐而合秦風之至美信長育而有徵茲可謂
無爲而自理天縱而多能至誠深衷物能應感憫

沃濬之勞逸均陰陽之舒慘是用作則于世利之
孔多風咏凱兮美萬物之蕃衍樂操琴也佳五聲
以同和復而不厭遠而匪他方將煦嫗之為意豈
徒娛樂於斯歌觀其發宮應徵揚清激濁自南習
習同詩人喻被棘心入夜冷冷異貧士叩其牛角
則知聖人審音以知化政裕而作樂者有矣夫宜
其出乎幽谷應以繁聲若雲龍之潛沼同律呂之
相生萬籟動八音清匪鳴條而扇物方靡草而作
程是以人荷時康功歸帝力血氣以之而不撓百
穀從茲而蕃殖節有度守有則始從邇而及遠終
自南而徂北爾乃匪徐匪急乍過乍聞颯颯輕音
疑少女之初至冷冷餘韻謂別鶴之求群亦為父
毋之罔極何必聲變而成文是以德冠百王
政成萬物正南面以恭已功懋千載而不拂

禹拜昌言賦

大禹君臨勤求意深苟一言之入耳必載拜以明心蓋以勵華夷形古今

所以音豈不以詢彼蕩楚防乎驕逸既可大而可
父亦無固而無必所以嘉謀方聽當業業以折腰
直語纔聆復處處而屈膝蓋以廣乎所見求其所
聞欲使善惡之源自別賢愚之路斯分况乎傳舜
之規受堯之命得不固社稷根本察風俗利病是
以臣不能諫君兮非曰忠君不能納諫兮非曰聖
執至理以垂教採昌言而化人苟有言可佐王道
正人倫陶也不得不進禹也不得不遵所以聞妙
畧以開容拖冕旒而拂地覽宏謨而致敬低珩珮
以鏘身懼溝洫之未通憂禮樂以將壞以正直為
龜鏡以忠讜為規戒是以蘊昌言兮不可不陳聞
昌言兮不得不拜遂使共守丕業長光帝基若魚
水相逢之口同雲龍會合之時符郊疇以陳儀固
難比矣望竹宮而設禮曷可方之我皇紹九聖之
雄圖舉百王之今典急于求士樂于聞善所以獻
昌言之忠臣
必符之台鉉

裴度神龜負圖出河賦

茫茫積流神聖有作郊土天之密命假靈龜以潛躍

蓋欲以慶遙源敷景鑠寫物象之精秘化人文之
朴畧豈不以河之德兮靈長龜之壽兮會昌載禎
符先呈于古帝稱大寶後遺于寧王故將出也感
天地動陰陽浮九折之澄碧散五色之榮光然後

溪前流而泳花浪露玄甲而明繡裳初若沉圓璧
而木沒稍似散孤鳧而欲翔既而降芳蓮蹈清泚
五老遊而共覩列聖過而每喜出朝日如耀其實
圖伏靈壇狀陳其鏤籙布爰象之糾紛蘊天地之
終始負謀謨之畫將化洪荒當授受之時豈忍緣
水非臆料之可述諒鈞深而有致所以出河宗作
天瑞馮夷倚浪以相送神魚鼓舞而旋避於呼冥
類質然自我而傳外骨明賁中心善泉將後天而
思永豈爲鷲而居前至如魚托素以達情鳳御詔
而展禮未若祥開八卦兆動四體闡文教寧木鐸
之足儔贊貞明與日月而同啓洎乎形貌既著品
物類分榮萬化之茫昧含一氣之罔緼識用光于
夏葉繇每煥于羲文此乃天理用彰神道設教故
躍波而委賁殊以文而飾用觸綸誠恠于文鱗隱
霧徒嗟乎玄豹此悠久也可是則是是效

喬琳太原進鐵鏡賦

晉人用鐵今從革無方其或

雲龍動色磨瑩而冰雪生光爛成形於寶鏡期將
達于明王故有徹侯君守方物底貢擇使而天星

共飛登車而月輪相送妍媸之鑒已久肝膽願呈
者衆鏡之既明星衢是亨繼照三光共霽凝輝四
海俱清鑑人無私知道不虛受處已不厚見心乎
砥牙若乃宇宙清朗提携偃仰旁觀而山澤入懷
俯視而雲霄在掌雖因時而委照不偏物以呈象
圖規可轉處順之物攸光勁質無虧持盈之道彌
張墨客因進而歌曰金之精兮衆寶所參鏡之明
兮群象所含清至瑩兮氛埃不雜明至察兮配類
相斬幸秦臺之一鑒與飛鵲而圖南

王起朔方獻千里馬賦

駢彼名馬產茲玄朔得遐

聖之禎符其來綿邈固可以飾和鸞之歲歲就鈞
膺之濯濯始其同群豐草挺質寒鄉名起茲白瑞
掩飛黃伊六轡之爰設非九重之孰當爾其走險
鹿駭望雲龍驥繫之維之登歌不慙于西極若滅
若沒獻狀聿來兮比方于以効伏阜之勤于以釋
長鳴之怨流離而走丘來格濩洛而執勒斯獻計
鴻鵠之舉彼未居多涉燕宋之遙我方適願柔心
有待逸足未宣擅竒於絳闕之下沛文于紫庭之

山西通志
前稟月未匹追風莫先所以闡幽都之美所以增
華廡之妍既佶且閑軼其群兮相高視遠如邇遵
其路兮且干一人既瞻八駿初比彼千駟花發六
騶雲起其止也可齊乎足其行也無踰于里信愕
視于華原而騰輝于良史伊茲駿之間出在前王
而殊寡或鑿輅而見損或鼓車而不捨我皇昭景
福錫純嘏稱德以喻夫俊又服勞以勸
夫忠者豈惟同兩漢之帝獲千里之馬

李爲藺相如全璧賦

有和氏兮曠代之珍有藺生
今非常之人全重寶以藩趙

在輕生以抗秦既獲我心信卓哉於千古不辱君
命誠能使乎四隣相如于是詠東山之詩考西郊
之役中車脂轄匪朝伊夕徘徊悵望沉吟感激誓
殺身而報主惟張膽而吞敵踏虎尾而若閑過鯨
口而無惕期一言以復命得連城而致璧苟大信
之或虧豈微躬之是惜授使遄征不遑底寧望紫
氣之亟谷出黃沙之井陘既臻天府之地遂造雲
龍之庭秦君方臨丹陛案青萍耀國華振朝紳建
翠鳳之旗則天收光景伐靈鼉之鼓若地出雷霆
然後命謁先誥令使者後進將恃威以逞暴欲愛

寶而損信何英勇而知機忽詭詞以恭順溫如之
質既歸凝然之姿乃振且掠敵之見欺將殺身而
不恡四隣之言是則南山之節斯峻何大國之言
無良爲匹夫之所取俊不然何以遭賈傅之過秦
爲相如之慕藺連城奔諸良玉歸歟且告秦言已
矣復爲趙寶馬如潔誠求之何晚而禍懷之已遠
生芻之質空存
白虹之氣不返

徐彥伯汾水新船賦

賢哉微侯求人之瘼分帝之
憂以爲冀方輪轉病於行輶

乃乘素秋鏡清流假道於河北息肩于吳牛因去
彼以取此遂捨車而造舟故鼎新裁規劍制通子
房之妙畧運弘羊之潛計測淺深之量將載沉而
載浮陳去就之宜則既濟而未濟宜夫席帆錦纜
蘭橈桂楫不日而成嘉謨允叶蒲具罔設寧勞漁
子之家財用無虧不奪農人之業木之積也厚船
之動也捷迴翔並驚識波上之雙鳧倏忽孤飛見
天邊之一葉伊負重以致遠非印否而人涉及夫
安卑委順外靜中虛混泥沙而閉矣象智者之居
諸逐便乘流排難觸物泛波濤之不拙壯勇者之

佛鬱船之時義吉無不利向之為材也標挺特之材今之為器也作殊常之器若往若來無顛無躓淫奢自戒厭殷帝之酒池游戲無虞耻丹朱之陸地鷁首翩然魚鱗比川映分陰之寶鼎參漢武之樓船當秋風之擢指侯明月以扣舷載廩儲而奉國達方物以朝天可以通河渭可以沂涇灃斯暫勞而永逸將冠古而爭先且知君子攸作務于遠大美利亟行莫不繫賴厥聲載路賡歌濟巨川之功史不絕書考誅獲疇庸之最別有荷為衣兮蕙為帶鼓輕柁兮張翠蓋杳眇煙波之未夷猶區域之外願一涉于龍門接神僊之嘉會

宋歐陽脩祭先河而後海賦 在祭者必有常典務

河而告備乃後海以為常幣玉始陳恭視諸侯之瀆牲宰繼列方祀百谷之王探國典之舊文撫禮經之大旨以謂河導其派水一勺而始矣海納其會實百川之委也祀容肅設必先有事於靈長望秩並脩然後功歸於善下誠以決九川而分導括眾流而混并一則窮本而有自一則無容而積成

是用分理章而異教昭祭典以推行命祀首陳始則出圖之所禱辭以設方祈紀地之名用能縉乃命儀昭夫重祭利萬物以斯善用五材而並祭無文既秩榮經瀆以領祠郡望既行禱朝宗而用幣外則盡物中惟告虔既義取於源委乃禮分於後先一禱致誠必告榮光之渙大川並走嗣臨重潤之淵得非眾嶽肇乎一奉推輪生乎五輅考厥初之攸在彰迓始而為務亦猶文王之祀雖貴不踰后稷之尊齊人之事將行敢越配林之故是知河必居首取懸源而肇茲海不自大由積眾以成其導洪流而並注散靈潤以旁茲顧乃濫觴之因必禮惟思反將展報以為義必詩源而而自遠故三王之祭川必務其本

國朝楊士奇河清賦 卯晨在旃蒙月維攝提其日癸

爛垂天子御丹宸闢彤闈班龍節建鸞旗肅九重乃有陪臣晉國之使頽伏殿陛陳詞獻匱上言河清河津之涖發書訊占聖王之瑞臣嗜之敢告天

于天子曰嘻天道應人必以類至作德者降祥弗
德者垂戒于未先乎慎脩何以與於是也使者既
出時則徹侯上公群卿列秩仰聆王音愉愉訖訖
固已識其靈祥未備究乎事實退就使者而悉焉
使者曰昉河流之將清蓋先時而異狀其始也沉
碧凝黛流丹曳虹忽異復殊薨色彌望烟素華之
浩潔汎玄晶而濟泱妙神化而屢殊協五行之通
旺方滂滂瀏瀏混混濇濇湛如清渭之奔浩乎蒙
泉之放涵荆王而演迤拖齊穀而浮淨影萬象於
昭晰而淨纖塵之泱濃也於是傳告雜暎聽聞駭
惑奔走道路聚訊匡側晴日炫奪心懷暢悅鑑妍
者賞明濯汗者避褻此其大畧也其詳未易以遽
說焉于是聞者仰而思顧而言曰河之發源出乎
崑崙於澱澱漫漫混混渾渾濁濁涇方之尚列潢潦擬
之而同昏然而其清為聖君之瑞見於于年拾遺
之記兆天下之平出乎京房傳易之論洪惟我皇
繼序太祖道合義軒功隆舜禹政教施乎萬邦德
澤流于九土斯河清之協應豈偶然之故也蓋冰
為用滋潤長育六府所叙功同土穀造化於是而
發祥非在惠養斯民而致其豐足者乎革去濁汗

瑩然湛明非在蕩除貪穢而用夫蕪清者乎斯
治之所本豈尋常之為異雖聖德之弗居諒天音
其有在固將表治化之熙明而徵太平于盛世也
躬逢盛事振古所希拜首陳賦繼以歌詩詩曰水
先五行兮天一攸生維河之祥兮革汗為澂于歲
一見兮協我聖明澤流潔清兮隆化斯徵於千萬
年兮邦
家之慶

薛瑄黃河賦

吾觀黃河之渾渾兮乃元氣之萃
吾觀黃河之渾渾兮乃元氣之萃

后土之麗博兮杳玄溝之晶明過積石而左轉兮
龍門呀而峻傾薄太華而東驚兮撼底柱之崢嶸
入大陸而北徙兮迷不辨夫九河之故形經兩海
而紀衆流兮擅浮沉之濯靈覽頽波而懷明德兮
又何莫非姒氏所經營登崑崙而俯視兮固彷彿
其初迹馭高風而騁望兮遂周游其曲直何末流
之混濁兮始清激而混混是滄澹灑而徐趨兮勢
法而自得觸險石以闢暴兮託雷轟而轂擊天宇
擴其沈澹兮渺上下之玄黃霧雨靈靈而滂集兮
混邃古之洪荒微風蕩拂而渙散兮天機組織其

山西通志 卷之三十一
文章頽焱浩而洶湧兮百姓垂涎而歛揚腥雲濁浪以盪汨兮恍忽顛倒夫舟航靈曜升而赫照兮乘正色于中央望舒在御而下歸兮列宿涵泳其光芒若乃震秉符以行令兮百谷淫淫其凍釋山澤沮如以上氣兮增滉瀆之洋溢魚龍乘壽以變化兮杳莫測其所極祝融載節以南屈兮雷雨奮達以霽需潢支流而股合兮百川奔而來會木輪困而漂拔兮蔽雲日而淘汰狂瀾洶而鑿岸兮堦土馬塞夫衝潰霜戒嚴而木脫兮少昊執矩以司四集兮顛頊乘坎以奮神太塊噉氣而摩軋兮流漸下而龍鱗層冰橫紀而山委兮河伯驅石以梁津恙險夷而明晦兮變朝暮而四時颺風起而衝木兮鱗恠駭其難推觀圓方之一氣兮恒來往而密移昔尼父之嘆逝兮跨百世而罕知顧川流之有本兮與終古以爲期啓龍圖而翫六一兮悟主宰之所爲余心之未純兮感道妙之如斯聊誦言以自明兮庶晝夜之靡虧

劉敏寬河東鹽池賦

閩西子偕周南先生客巖城謂主人曰河東之鹽產于池

蓋嘗聞之矣間闕而來膚覲梗槩不知其詳奚其也願竊有請焉河東主人曰余情無足以當明問但敬述其畧可乎夫天有五行是生五味潤下作鹹惟水之謂蒐渚探波汲井障洑分及飛泉草木土石引曝化煑矯揉畫擘其獲纖纖其勞役役惟茲解池不䟽不鑿肇判鴻濛參井之分陰陽之官冀州之域郇瑕之馮唐封之南虞都之東稷山之趾禹甸之中局圜麓而偃仰伏河曲而靈通縱耳橫遙幅幘百里繚雉虹臥斥堠巒峙若孟若盆如砥如矢蓄幽壤之董泉涇天潢之注水濼爰測而莫極曠屬睇亦何俟玄王簇而根盤堅冰合而床起中條率律抱其前孤山突兀踰其後太行挺碗護其左雷首峭崿聳其右外則姚暹七郎龍潭凍水李綽卓刀白沙長樂湖泮而滌田內則白龍野狐澹泉琴室蒼崖丹壑林藪蕪葭芬杏而輻輳蘊真停奇表靈毓秀蒼頡頡風后羲和巫劉之故業權便公私群情允協應時掣支森嚴甲令千乘集而鋪敦萬馬齊而驍勁百夫勤而奏功五幟錯而掩映進退適乎疾徐聚散傲乎奇正百室斯開三壩克併爾乃輓艦交飛販賈互踞鞞擊檣駢騎聯踵



接濟汾津沿姑射越沃霍達陽澤而晉鄙贍也由
蒲坂入亟關渡涇渭通秦山而百二給也穿青石
航河陽逾汝洛抵鄧襄而天中憂足也季倫陶朱
嚶嚶嘻嘻填貨帑藏公家以肥財賦不置矣佐餉
紫塞士飽馬騰捷伐瓊毳銷鉏憑陵邊鄙不竦矣
外安內寧金湯以奠于萬斯年受天之眷九重
釋西顧之憂矣河膏九里池育一方瞻此河東與
與揚揚四民鮮顛連而無告矣於戲古今落落霄
壤恢恢形勝固未嘗無而求其膏腴坐牧俄頃鉅
萬有如是者或未之能全利源固未嘗竭而求其
環高臨深河山四塞有如是者或未之能無所為
解池者其畧爾爾若夫浩邈則未之敢知也吾子
察焉閔西子憮然曰有是哉全勝攬而寶藏興吐
后稷臯益巢由之故址緣其溇傳說龍逢留侯世
安太史文中柳州文正文清之梓里挹其溜時
清而鑑髮燭眉時洶湧而滔天溼日時清淺而
漫漶漪時滄溘而沈澆汙汨攢鋒倒影蘸琉璃
若浮芳叢貢妍藉翡翠而欲溢凭海光而眺遠
祥靄之瓊瓏倚歌薰而臨流悅灑景之昭融憑
雲而頽瞰徹儵忽之瓊宮據五老而右聆滙萬

之淳滌五絃鼓其濱而帝民愉入駿歷其涯而上
游著負宸因鹽以置官祖龍重興寶而建署漢武
資饒唐玄饜餒閱宋迄元一致百慮洪惟我明
天作其助鹽弗需治而成課無煩督而豫不啻什
伯于徂昔者也故乃氣肅膠折月白風涼土膏向
歇息機弗昌玄律并凌感發栗烈急景凄寒氤氳
悶結青春受謝駘蕩舒恬餘陰潛伏猷蒸稽矣相
彼三時詎曰無鹽硝板蒼蒞漑澤弗霑獨尾火首
之鵠次當翼亢心之旦中赤帝握符火正致工奔
南羲之煙赫發鬱燠之蘊隆箕伯鼓靈扇而液盪
水若馭洪潤而波冲水夷薦瑞琴高效忠欲歛實
以就魄豫變熊其無窮完碧既暖流霞漸翰絢若
製錦賦若敷酥塌花始凝靚輕揚而泛雪黍粒乍
墜旋零亂而沉珠儀斗鑄形不辟不頗任天賦質
不澆不火儼清冷而鏡團倏皜素而粉傳霰纍而
霄連貝瑩瑩而練布玉龍鬪而甲捲缺蝶墮而翅
踞播籃田之餘屑膠搏風之颺絮暮烟屯而霜冷
壁寒朝晞達而星流電遽茲蓋皇輿穆清爽介
慈飭靈貺寵綏不顯明德地不愛寶瞬息千億可
以昇尸賓可以調鼎寔可以作味君可以和民食

倚頓不能封其殖王鸞無所庸其億於焉詔百官
督萬戶辯疆場申燧矩旌勞勤懲此窳等盈縮別
甘苦良時亟乘美利無吐筐筥如雲鋏畚如雨比
次如鱗旅進如堵健矯如風歡躍如舞千倉萬廩
如携如取如坻如京在水之滸負載繩繩涉瑤溪
而逆銀河馳載轟轟過阿房而輦滹沱蜂蟻絡繹
轉徙丘阿封馬鬣而密比象土產而嗟峨匪培尅
而藏富豈腴削以誇多由是祖禹貢青州之執遵
周官鹽人之策斥桑孔之陋規裁吳越之私煮收
效捷而導利廣也解池其天下之奇觀海內之珍
域乎鹽顧有時稱乏何與主人曰雨暘愆期天也
將採弗時人也盡人乘天幾不乏矣又曰間乎稱
劣何與曰不有云別其苦乎此特採時事也及既
掣而劣果呈則追咎而奪之賑誰復敢為劣者是
乃成憲倘弗豫申而果行之亦何憚而不為劣又
曰商每稱困何與曰通其情而恤其私興其利而
除其害如題補壓待歲應十萬則首議給之硝
池下鹽得不償失則速議減之寢之新增浮課價
倍挨支則蚤議損之罷之他如掣場疏密視價之
低昂給鹽美惡量料之多寡凡有陳乞詳審矜全

真若保赤烹鮮者然何困之與有周難先生曰柳
子晉問有曰鹽務利民未為利民如子所譚乃利
民非民利也柰何主人曰商既不困非
民利而何二客唯唯相與揖讓而別

晉裴秀八蜡辭

日躔星紀大呂司辰玄象改次庶
衆更新歲事告成八蜡報勤告成

伊何年豐物阜豐禋孝祀介茲萬祐報勤伊何農
功是歸穆穆我后矜茲烝黎宣力蓄畝霑體暴肌
飲饗清視四方來綏充物郊甸鱗集京師交錯貿
遷紀葩相追摻袂成幕連衽成帷有肉如丘有酒
如泉有穀如林有貨如山率土同懽和氣來臻祥
風協順降祉自天方隅清謐嘉祚日延與民優游
享壽
萬年

何景明霍山辭

巖巖霍山之窿穹兮奠彼晉楚左
屬太行蒲阪委蛇兮襄陵蟲鬼而

在下雲之興兮霈霈望佳人兮容與嫋嫋兮秋風
芳卉兮已摧虎豹兮咆哮遠嘯兮又哀山中兮寂
寥佳人兮胡不來桂樹生兮潺湲浹鳥萃兮翼翼獸伏
以寒叢薄兮蒙密澆穴兮潺湲浹鳥萃兮翼翼獸伏

今般般鴟隼不可以共
厲兮佳人歸來兮延年

歌謠

虞擊壤歌

日出而作日入而息鑿井而
飲耕田而食帝何力于我哉

康衢謠

立我烝民莫匪爾極
不識不和順帝之則

虞臯陶謠歌

元首明哉股肱
良哉庶事康哉

又歌

元首叢勝哉股肱
惰哉萬事墮哉

八伯和歌

明明上天爛然星陳
日月光華弘于一人

夏五子歌

皇祖有訓民可近不可下民惟邦本
固邦寧予視天下愚夫愚婦一能勝予

一人三失怨豈在明不見是圖予臨兆民懷
乎若朽索之馭六馬為人上者柰何不敬

又歌

訓有之內作色荒外作禽荒其酒嗜
音峻宇雕牆有一于此未或不亡

又歌

惟彼陶唐有此冀方今失
厥道亂其綱常乃底滅亡

又歌

明明我祖萬邦之君有典有則貽厥子孫
關石和鈞王府則有荒墜厥緒覆宗絕祀

又歌

嗚呼何歸予懷之悲萬姓仇予予將疇依鬱
陶乎予心顏厚有忸怩弗慎厥德雖悔可追

醉歌

江水沛兮舟楫敗兮我王
廢兮趣歸于毫毫亦大兮

又歌

樂兮樂兮四牡驕兮六轡沃
去不善而從善何不樂兮

商采薇歌

登彼西山兮采其薇矣以暴易暴兮不
知其非矣神農虞夏忽焉沒兮我安適

歸矣吁嗟徂
兮命之衰矣

尹伯奇履霜操

履朝霜兮採晨寒考不明其心
兮聽讒言孤息別離兮摧肺肝

何辜皇天兮遭斯愆痛沒不同
兮恩有偏誰能流顧兮知我冤

童謠

丙之晨龍尾伏辰均服振振取虢之旂鶉之
賁賁天策焯焯火中成軍虢公其奔

暇豫歌

暇豫之吾吾不如鳥為人
皆集于苑已獨集于枯

輿人歌

舊而新是謀

龍蛇歌

有龍矯矯頃失其所五蛇從之周流天下
龍鱗無食一蛇割股龍逐其淵安其境土

四蛇入穴皆有所處
一蛇無穴號于中野

虞虞歌

百里奚五羊皮憶別時烹伏
雌炊虞虞今日富貴忘我為

河激歌

升彼河兮而觀清水揚波兮
福兮醉不醒誅將加兮妾心驚罰既釋兮

瀆乃清妾持楫兮操其維蛟龍
助兮主將歸呼來擢兮行勿疑

漢霍去病琴歌

四夷既獲諸夏康兮國家攸寧樂
無央兮載戢干戈弓矢藏兮麒麟

來臻鳳凰翔兮與天相保永
無疆兮親親百年各延長兮

唐崔顥胡人歌

高山代郡東接燕鴈門胡人家
邊解放胡鷹逐塞鳥能將代馬獵

秋田原頭野火寒多燒露裏孤峯濕作
烟聞道遼西無戰鬪時時醉向西家眠

王翰長城梁歌

長安少年無遠圖一生惟羨執金
吾麒麟殿前拜天子走馬為君西

擊故胡沙獵獵吹人面漢虜相逢不相見遙聞鍾
鼓動地來傳道單于夜猶戰此時顧恩寧顧身為

君一行摧萬人壯士揮戈迴白日單于賤血汚朱
輪歸來飲馬長城窟長城道傍多白骨問之耆老

何代人云是秦王坑趙卒黃昏塞北無人烟鬼哭
啾啾聲沸天無罪見誅功不賞孤魂流落此城邊

當昔秦王按劍起諸侯滕行不敢視富國強兵二
十年築怨聲冤九千里秦王築城何太愚天實亡

秦非北胡一朝禍起蕭
牆內渭水咸陽不復都

金楊奐孫烈婦歌

平陸有烈婦地望雄諸吳從居
孩提間體貌迥爾殊舉家愛惜

心不啻千金珠眉拂夏蘭峨髻鞞春林鳥芙蓉美
顏色冰雪羞肌膚十二巧針指十四婉步趨姻戚

未省識閨門何曾踰孫郎邑中秀少小依師儒雙
親為擇對買紅纏酒壺清鸞得彩鳳誓結百年娛

屈已接妯娌盡心奉舅姑就謂連理枝半壁先催
枯春風合歡床分守夜雨孤西隣父歡慕誠與六
禮俱賄好靡不周下逮役使徒父兄去世亂倉卒
誰携扶母嫂憐幼寡且微反哺雛號訴竟莫察僵
仆氣不蘇同穴大義在初言寧忍辜口聞勢轉逼
託媒致區區將汝已死婦配我未葬夫朝決暮即
行參差當自屠王族忽承命搔首久踟躕此事難
為諧此理古亦無女聞一撫掌天道卒敢誣腐骨
尚知愛而况生人軀素志從此伸里巷咸驚吁秋
風萬馬來所至皆丘墟粟堆坡頭路月黑忘崎嶇
鄉兵共烏合馬能保不虞俄頃鼓聲絕崩潰東北
隅壯者被殺僂弱者遭繫驅婦時飛懸崖翩若赴
水鳧皎皎盈尺玉未甘蒼蠅汚鮮鮮全匹錦豈容
濁穢塗向是徒男子足受丈二及航海繪長鯨盪
荆縛於菟悲哉女子志裙裾鬢
壯圖胡不具始末奏之達帝都

錢宰雲中雨烈婦歌

雲中雨烈婦風節何雄哉婦

我死命之遭爾方年少不得死軍馬倏已來姑言
自刎不得刀少婦潛致辭不用刀與索兒當敷賊

怨與姑願共斷姑如湛盧劍罵賊烈烈生剛風婦
如黃間弩蹶張放弦氣愈雄厲聲奮激膺賊鋒萬
古雙烈
誇雲中

國朝劉基長平戈頭歌

長平戰骨烟塵飄歲久遺

岸土花潰出珊瑚色邯鄲小兒強解事枉使泥沙
埋利器四十萬人非少弱勇怯賢愚一朝棄陰穴
血冷秋復春朽壤食盡蒼苔痕沉埋長愧杜郵劍
廢隆空憶楮餓人故壘中宵鬼神人雲愁月暗戈
應泣當時豈無牧與
頗戈乎不遇可奈何

傅需登太行歌

萬里岬岬羅星辰一山壁立青嶙

勢嶙芙蓉高挿橫天津舉首直可叩蒼旻深林虎
豹誰能馴猿狖時窺荆與榛夸父當年徒苦辛龍
伯矯矯未敢噴中有綽約之神人風雷呵護雲若
屯層巒絕巘遠世塵松楸鬱鬱長千春赤城玄圃
何足論吾將
此地探玄真

山西通志 卷之三十一 三十一

行

唐李白北上行

且北上何所苦北上綠太行磴道盤

輪摧高岡沙塵接幽州烽火連朔方殺氣毒劍戟

嚴風裂衣裳奔鯨夾黃沙鑿齒屯河陽前行無歸

日近顧思舊鄉慘慙冰雪裏悲號絕寧腸尺布不

掩體皮膚裂枯桑汲水澗谷阻採薪甌坂長猛虎

又掉尾齒牙皓秋霜草木不可食餓飲零露漿歎

此北上苦停驂為之傷何日王道平開顏覩天光

杜頴故絳行君不見銅鞮觀數里地池已蕪漫君

兵車全盛時歌童舞女妖艷姿一代繁華皆共絕九原唯望塚纍纍

胡浩大漢行單于犯薊塹虜騎略蕭邊南山木葉

太原道魚麗合陣武威川三軍遙倚伏萬里扣馳

逐旌旆悠悠靜瀚源顰鼓喧喧動盧谷窮激出幽

陵呼嗟倦寢興馬蹄凍溜石胡毳暖生冰雲沙泱

濟天光閉河塞陰沈海色凝空峒此國誰能託蕭

索邊心常不樂近見行人畏白龍遙聞公主愁黃

鶴陽春畔岐路間瑤臺苑玉門關百花芳樹紅將

歌二月蘭皋綠未還陣雲不散魚龍水雨雪猶飛

鴻鵠山山嶺綿連那可極路遠辛勤色顏北堂

萱草不寄來東園桃李長相憶漢將紛紜攻戰盈

胡寇蕭條幽朔清韓昌拜節偏知送鄭吉驅旌坐

見迎火絕烟沈在西極谷靜山空自北平但得將軍能百勝不須天子築長城

賀朝清從軍行

朔胡乘月寇邊城軍書插羽刺中

佳兵騎射先鳴推任俠龍韜決勝佇時英聞有河

湟客悵悵理帷常山啓伯圖汎水先天策御珠

浴鐵向桑乾寡旗膏劍指烏丸鳴雞已報關山曉

來鴈遙傳沙塞寒直為甘心從苦節隴頭流水鳴

鳴烟邊樹蕭蕭不覺春天山漠漠長飛雪魚麗障

接塞雲平鴈翼營通海月明始看晉幕飛鵝入旋

聞齊壘啼鳥聲自從一戍燕支山春光幾度晉陽

山西通志 卷之三十一
旋凱掠重來
麟閣圖丹青

國朝何景明鴈門太守行

壘壘高山莽莽代谷城
邊風起沙漠漠城內惟
聞奏胡樂太守下車買牛息戈陶民禮義朝絃暮
歌北歷黃沙磧南遊白草原五馬何秩秩朱英導
文軒嗟哉太守亦孔
武時時較獵西山下

李濂鴈門行

鴈門天險地百二控羗戎紫塞邊聲
騎材官歲屯戍野嶂黃昏李牧祠胡雲白草蒙恬
墓黑山八月飛雪花聞道嫖姚出漢家漢騎三千
朝試箭胡兒十萬夜吹笳吹笳試箭邊陲苦何日
烽烟靖疆土邇來持節三關遊臥處聞雞雙劍舞
君不見飛將軍當年剖竹長城下彎弓射落塞門
鷗挺身平奪胡奴馬君不見李晉王睥睨獨眼空
八荒柘林遺像自羆虎花苑廢宮猶石墻吁嗟古
蹟今俱在鴈峯鴈塔遙相對廣武城頭鼓角哀滹
沱河畔鄉心碎人間何地不逢秋歎有邊城
重客愁昨夜立看清海月欲隨流影度梁州

郭鑿剝樹皮行

朝剝樹上皮暮剝樹上皮剝得樹
皮來且救眼前饑東隣舉室皆餓
死乳下無人收小兒徃來苦兵復苦旱南北東西
俱愁嘆死亡流離城半空父子兄弟不相見萬樹
如雪皮不存葉落枝摧下及根樹死
吾生亦已矣於嗟何日受皇恩

樂府

李東陽申生怨

十日進一胙君食不得嘗讒言豈
無端兒罪誠有名兒心有如地地
墳中自傷兒生不如犬夫得死君傍天地豈
不廣日月豈不光悲哉復何言一死以自明

繇山怨

五蛇上天一蛇蟄繇山經月火不滅君王
恩重翽為仇不如放作山中囚君王有臣
一非少貪天之徒但自保臣心見母不見君誰言
母死非君恩今辰何辰夕何夕留與千秋作寒食

屠兵來

兒兒勿啼屠兵來趙宗一綫何危哉千金賣
兒兒不死真兒却在深山裏妾今有夫夫
有子死兵易立孤難丸原下報無慚顏趙家此客
還此友穿何故卜盾何走誰言趙客非晉臣當時

嬰杵爲何人

象國士

漆爲癘炭爲晒彼國士何爲者趙家飲器

斬讐之衣讐魂禡

漢壽侯

知者身不可留臣有主老瞞不足追猶有

度誰其讐者吳陸呂歲十二月候出走吳人縛侯生縛虎生縛虎死猶怒髯如虬眼如炬吁嗟嘆乎天不祚有馬不踐中原

邊貢送司徒周經樂府

周司徒真丈夫直氣稜稜

拂衣歸臥山中廬山中臥今幾載鶴貌童顏履聲在十書五疏招不回九重虛席空相待北來頤利西羗胡爭問司徒今有無乃知繫國輕重者不獨廟堂公與孤周司徒真丈夫

詩

五言絕句

汾上驚秋蘇頲

北風吹白雲萬里渡河汾

春望王勃

物外山川近晴初景靄新

臨高臺送黎拾遺王維

相送臨高臺川原杳何極

又

山中相送罷日暮掩柴扉

江雪柳宗元

孤舟蓑笠翁獨釣寒江雪

讀書山居元好問

瘦竹藤斜挂藜花草亂生林

潤雲先動橋平水漸過野陰添晚重山意向秋多

山○樹合秋聲滿荒暮景間虹收仍白雨雲動忽青

送歸牛○漲落沙痕出堤摧岸口斜斷橋堆沫

高樹閣浮槎○路影兼秋靜蟬聲

帶晚涼陂長留積水川閣盡斜陽

國朝匡村寺雷大壯

舊國存遺寺幽情興轉賒
山僧無箇事汲水淮桃花

秋興王廷相

霜落江沙白天寒死木踈
朔方纔雁去何日得家書

山行栗應麟

洞門春不鎖應是待人歸
棕葉交荒徑藤花落翠微

去鄉常倫

去鄉日益遠懷土情彌深
道傍無賴柳日日攪離心

臥雲岡孔天胤

野閣常風雨蘿深可挂衣
虬龍巖下燕時見白雲飛

又開襟坐小亭王碗流佳釀

明月過東林醉臥蒼苔上

晉陽夜雨裴邦奇

孤館對疎燈客懷轉寥廓
歛枕不成眠夜雨瀟瀟落

又南國佳人杏西風別思深

不堪長夜裏蟋蟀雨中吟

九日待酒不至呂陽

九日思酣飲空持醜酒巾
黃花開滿徑獨少白衣人

鴈關紫塞施重光

塞古黃雲暗城高紫色連
忽聞南度鴈戰士泣衣單

鳳山秋月前人

鳳去臺空在丹成人已仙
不知三五月歲歲在山巔

晉陵古栢前人

古栢倚荒塚霜皮百尺高
英雄徒蓋世畢竟此蓬蒿

岩寺晚鍾前人

一逕躡提烟蘿覆丹井
鍾鳴月上樓人在瑤華境

襄陵分司沈鍾

落日池亭上危欄獨自凭
人如黃葉老心似碧波澄

又空塔淨織塵凍鳥宿深竹

徙倚池上闌繁星水中浴

五言律詩

莫北春望崔湜

迴首覽燕趙春生兩河間曠然
萬里餘際海不見山雨歇青林

潤烟空綠野閑問鄉

何處所目送白雲還

塞上王維

單車欲問邊屬國過居延
征蓬出漢塞都護在燕然

蕭關逢候吏
都護在燕然

送都督赴代州前人

天官動將星漢地柳條青萬里鳴刀斗三軍出井陘忘身

太原早秋李太白

歲落衆芳歇時當大火流霜威出塞早雲色渡河秋夢遶邊城

遊龍門奉先寺杜子美

已從招提遊更宿招提境陰壑生虛籟月林散清影

過宋員外之問舊莊前人

宋公舊池館零落首陽阿枉道祇從入吟詩許

送汾城王主簿韋應物

少年初帶印汾上又經過芳草歸時徧情人故郡多

味河中杜顏

歷按河東道蒲津壑最雄河山全

駕幸河東王昌齡

晉水于廬合汾橋萬國從開唐天業盛入浦聖恩農下輦回三

邊行書事李昌符

朔野烟塵起天軍又舉戈陰風晚急殺氣入秋多樹盡禽棲

經行嵐州杜審言

北地春光晚邊城氣候寒往來不發新舊雪仍殘水作琴中

宋過故關韓琦

春日并州路群芳夾故關前驃驅

日適白台樂農間

堯廟范仲淹于古如人日巍巍興善功禹終李洙
此蕭鼓謝年豐讓申鄉人不知

金過星輶驛李俊民古道開天儉危峯拔地形連
甫鬼胡雲掩將星何人弄羌笛哀不堪聽

元民安塞王精下馬民安塞仙人五字詩白雲君
去後翠巖我來時異代悅神遇百

淤泥寺前人野寺消煩暑長途促晚行落霞明遠
渡座僕夫母乃倦此亦關情

國朝躬曝御書超點路轉人九里雲藏四五峰松
蹀綠岩花折挽更革同

甘山早望前人一泓春水綠萬樹曉霞明雪凍寒
處叫倉鷓長嘯甘山下無人解此情

過晉祠霍鵬桐葉封前木唐侯祠下流如斯無畫
樹稠牲醪時亨獻遠爾報豐收

繁峙逢林野橋戶部楊巍夕陽山下縣烽火塞邊
慨音黃雲低野戍白草徧關傷容裡魂

松子嶺孫繼魯大行松子嶺天作出群山橫絕猿
氣自雲間佇望盤植父何人採藥還

栢林寺楊綵荒園留李晉野寺人沙陀流水千年
生蘿感慨還尊酒西風暮色多

山西通志 卷之三十三 三十三

晚渡汾水赴晉祠蘇祐蕭鼓渡方舟旌旗夾岸浮

桐葉飄宮井蘋花薦酒甌願言崇報祠不疑重遨遊

遊石壁寺前人湍瀨珠躍起峰巒玉削成空巖惟

佛影哀壑更松聲倦鳥投林藪游

題諸馮舜廟王崇古百里連蒲坂千秋仰帝宮春風傳舜地廟貌壓諸馮古栢

龍鱗砌高原鳥道通南薰一曲在歌罷憶時雍

登路公軒喻時古人不可見古跡尚能分臺統翔山霧攔飛澮水雲孤城開相業斷

石撫遺文獨忝塵勞使何當躡翠芬

題堯崗頂劉一相懶慢囂塵際徘徊足勝遊階存三尺古蕘落萬年秋蟋蟀蒙瞿

俗康衢播化謳我來撩思遠日夕盪汾流

宿長平驛常倫青史哀降卒山川見故丘重來今日意不盡異時憂野驛春花發長

途宿雨收遙聞田父語猶得舊戈矛

韓信廟前人漢代推靈武將軍第一人禍奇緣躡足功大不容身帶礪山河在丹青祠

廟新長陵一杯土寂寞亦三秦

禹廟王景仁禹廟空山裏黃河遠故空墻凋餘古繪庭闐滿秋蓬積石精華老龍門道

路通至今橫作壑猶藉控羗戎

寒食前遊火山覘虜毛似徐丹竅燠三秀金天陶五行女媧曾煉石楚

項計燒羸燐鬼明光殿隋珠不夜城提觴春樹下胡虜自相驚

太原道中王世貞盤陀十二驛驛似西川畢竟中無地還疑內有天居民同伏

鼠宿客傍棲鷲不待蟬聲苦秋霜向髮邊

晉陽城門閱武吳三樂

地迥絕紛譁凭高望轉賒山橫三晉出水抱玉原斜

野戍聞寒角客愁入暮笳向來懷古意倚劍一長嗟

宿禡亭驛傳霈

信宿禡亭驛蕭蕭古木寒問名知虎變卜築近龍蟠遄事空陳迹臨

風起浩嘆家鄉何處是遙在白雲端

書文殊寺趙夢麟

二月今將半邊城春未闌雨微楊葉飽風勁杏花寒水碧含沙

見青山帶雪看吾徒隨地樂莫放酒杯寬

鵲山周昂

西征披短服北望慘衰顏再宿殊鷄舍相看獨鵲山旆霜新雨過鳥逐暮雲還

白首瞻星漢何時鼓角聞

綿河李春芳

綿水圍山郭臨流可濯纓野橋隨客渡沙鳥向人鳴風送濤聲急山連雲

影清漁樵成小隱替組媿浮名

娘子關鐵佛寺壁宋登春

蕭寺枕幽谷白雲斷埃塵鉢潤龍生雨花香鳥

弄春蓮經談海月蘆浪渡江津得意歸來晚曹溪路更真

春日草草亭謝蘭

晉地重閑險閩天萬里賒一從持使節三度見春花步月時籌

國看雲獨憶家所恃邊塞外處處靖胡沙

董卓壘謝榛

石艾郭東路行行薄暮天農桑晉甸服文軌漢山川澗水風猶咽林花火

似然空餘董卓壘不使後人憐

鳴謙驛王崇慶

歲暮寒仍急長歌來晚風荒涼憐古驛真率愛山童積雪明殘柳虛

名嘆轉蓬旅懷清不寐徙倚回廊東

過西榮寺寇陽

野曠儼招提淒涼兵燹遺龍蛇頽古壁苔蘚上荒基僧老袈裟破庭

虛樹影移登樓聊縱目何日羽書遲

雙鶴寺張繼祖

一臥滄江久重來古寺遊千年雙

峯翠欲流杜門深謝客世態任沉浮

藥嶺寺張宗顏

愛此幽棲處常年戶不開鳥飛春

連屋後山老僧無個事鎮日只參禪

望仙寺閣樸

寺隱深山裏群仙跡已荒藥爐經草

壁張空餘松檜在千古鬱蒼蒼

晉穆王敏淳二首

盟府圭璋舊尊賢帶礪長親

廠梅肥伴雪香保民如不負尊酒答家皇

又小苑虛前席良霄接上游有人裁雪調無客不

風流陽氣舒桐葉恩光借冕旒庾公佳句在鏗

遜獨相酬

時臨水玄猿獨臥沙古松邊月

隱修竹弄風斜閒共山人話清幽興最賒

古城夕照前王

極目寒烟起城頭噪暮鴉霞明林

橋帶夕沙紛紛羈旅客岐路宿誰家

蒙山曉月前王

高山藏宿霧林鳥尚早棲雲淡星

草正萋萋試叩遠公法門前即虎溪

崛巘紅葉前王

迢遞層巒上招提古木中山空雲

更白秋盡葉俱紅俯仰天地迴盤

旋樹色同欲求無上訣一訊梵王宮

平野殘霞歛長空一鴈飛野航人

汾河晚渡前王

雜沓沙岸柳依稀水氣秋澄寺山

五臺徐貞五首

步轉林烟暝盤山夜氣寒招提孤
月近點撥萬峯攢遠害身何健無

求夢亦安幾多游
俠者徒詠路行難

又神光生寶塔髣髴見文殊水雪千年有鶯花四
季無窓開山氣合門掩月明孤坐對龍翻石長

明野
草枯

又引領西天近平鋪北斗高苔生青石古徑入白
雲迷炎夏冰如玉涼秋雪作堤明河堪指摘下

見萬
山低

又西臨玄圃隘東望海天寬萬壑松楸裏一臺雲
霧端備冰雪暖袖拂斗星寒頰唾成風雨飛

流下
碧湍

又倚劍逼南十疑眸接北濤瀑流千壑轉袖舞八
風高烟樹迷青嶂林花簇錦袍游來心地闊坐

久動
詩豪

五言排律

唐早發蒲津玄宗

鍾鼓嚴更曙山河野望通鳴鑿
下蒲坂飛旆入秦中地險關踰

壯天平鎮尚雄春來津樹合月落戍樓空馬色
分朝景鷄聲逐曉風所希常通秦非復候繻同

張說和

蒲坂橫臨晉華芝曉望秦關城雄地險橋
路托天津樓映行宮日隄含苑樹春黃雲

隨寶鼎紫真人東詠唐虞迹西觀
周漢塵山河非國寶明主愛忠臣

田家二章柳宗元

薦食狗所務驅牛向東阡雞鳴
村向白夜色歸暮田禮禮耒耜

聲飛飛來鳥鳶竭茲筋力事特用窮歲年盡輸
助徭役聊就空自眠子孫日以長世世還復然

又古道饒蒺藜縈迴古城曲蓼花被堤岸陂水寒
更綠是時收穫竟落日多樵牧風高榆柳踈霜

重梨棗熟行人迷去住野鳥競栖宿田翁笑
相念昏黑慎原陸今年幸少豐無厭膾與粥

題幸河東張九齡

魏武中流處軒皇問道回長堤
春樹發高掌曙雲開龍負王舟

渡人占仙氣來河津會日月仗沒雨風雷東顧
重關盡西馳萬國陪遙聞股肱郡元首詠康哉

送鮑中丞赴太原盧綸

分路引鳴騶喧喧似龍頭
暫移西掖致玉全解北門憂

拜命臨都護分曹制督郵積兵營不下盛雪獵方
休白草連胡帳黃金擁戍樓今朝送旌旆一減魯

羞儒

宋咏黄河歐陽脩

河水激箭險誰言航葦遊擊水
馳馬渡伏浪捲沙流樹落新摧

岸湍驚忽改洲鑿龍時退鯉漲潦不分牛萬里通
槎漢千帆下曹州怨歌今罷築故道失難求灘急

風逾嚮川寒務不收詎
能窮禹跡空欲問張侯

國朝題故關王世貞

四塞山河險中通一線行雄
關蔽全趙疊嶂拱神京尺地

分寒暑中天各晦明秋英開繡壁夕照吐金城屋
似浮空置田疑傍漢耕雲根穿作窰石髓借為梗
樹襟旌旗擁峰陪劍戟迎符從襄子計陳擬率然
名廣武堪稱客成安未曉兵古來興廢事太半誤

生儒

奉酬少華許公見懷孔天胤

門逕人稀到求羊許
共臨悟言投一室閒

步遶祔林酒滿忘憂酌詩多招隱吟好山圖作障
嘉沼韻成琴眺聽情非淺淹留意獨深塵沙悲白

髮爐火笑黃金寄迹看魚鳥冥心
謝翥沈何由報玄度申此谷中音

秋日同諸公弔河中書院故址王崇古

漢代股肱
郡河山拱

舜城憑高開藝苑列館授諸生濟濟人文會攸攸
絃誦聲人亡澤未熄劫至地為傾搖落啼山鬼陸

沉失舊京薰風還自至華月為誰明翰墨惟秋草
宮墻起暮螢感時思振袂弔古欲霑纓陵谷成今

古桑田識變更何當
回景運再頌濁河清

秋日登通明閣裴邦奇

乘秋登峻閣振袂出丹霄
牛女呼應至烟霞靜可邀

紗窻飛宿霧翠幔捲涼飈坐聽潮聲近回看鴈影
遙青山明月上綠酒故人招醉眼空銀漢狂歌倚

山西通志 卷之三十三
洞簫勝遊追度亮仙侶得王
喬便欲騎黃鵠飄然謝市朝

七言絕句

唐夕次壽陽驛韓愈
風光欲動別長安及到邊城
特地寒不見園花兼陌柳馬

頭唯見
月初團

渡桑乾河賈島
客舍并州已十霜歸心日夜憶咸
陽無端更渡桑乾水却望并州是

故鄉

南趙古廟胡巨源
麟皴老樹鐵生斑神宇荒涼野
壑閒地僻無人秋寂寂一川紅

影夕
陽關

馬陵關胡曾
陸葉蕭蕭九月天驅羸獨過馬陵前
路傍古木虫書處記得將軍破敵年

汾陽舊宅宋類
門前不改舊山河破虜曾經馬伏
波今日獨經歌舞地占槐疎冷夜

多陽

塞下曲前人
隴水潺湲隴樹秋征人到此淚雙流
鄉關萬里無人見西戍河源早晚休

并州韓偓
戍旗青草接榆關雨裏并州四月寒誰
會憑欄替忍淚不勝夫際似江干

宋行代范仲淹
數年風土塞門前說着江山意暫
清求取罷兵南北去滿樓蒼翠足

生平

咏陶唐前人
純衣黃冕曆星辰白馬彤車一百春
莫道茅茨無復見古今時有致堯人

咏有虞前人
成都成邑即天開終踐堯基詠起哉
但得四門元愷至九韶何必鳳凰來

咏有夏前人
景命還將伯益傳九川功大若為遷
謳歌終在吾君子豈是當時不讓賢

題岢嵐軍雲際寺邵雍
烟嵐一族寺崔巍到此令
人心自灰上有神僊不知

姓洞門開
倚白雲開

吉州道中僕王立

行盡高山涉水涯仙家縹緲隔明霞揚鞭笑指樵園路不用扁

落花

又燈火連霄督簿書山空水冷食無魚何當為覓秋江棹把釣西風泛五湖

金過鴈門見鴈黃廷筠家在孤雲落照間行人已上鴈門關憑君為報平安

信纔是雲中第一山

鴈門關元好問

稜層石磴倚高梯窮谷無人綠樹齊總為古來征戍苦宿雲常傍塞

低垣

題明妃墓胡曾

王貌原期漢帝招誰知西嫁怨天驕至今青塚愁雲起疑是佳人恨

未

題李晉王墓李俊民

雄名凜凜振沙陀為國功深柰老何多少三垂崗上恨伶

人那進百年歌

題蔡村道人楊雲翼

水連深竹竹連沙村落蕭蕭已暮鴉行盡畫圖三十里青

山影裏見人家

松子嶺張仲尹

密密松陰遮嶺面層層山勢插雲衢時人盡重王維筆到此還應畫

無得

松風書院呂思誠

夕陽林樹欲棲鴉偶到東山處士家松子嶺高嵐氣潤幽軒開

碧落松花

國朝忻州道中楊綵

蕭蕭匹馬向東征一望川原驛路平回首鴈門雲黯淡月

明猶令旅魂驚

雲中卽事王越

二月山城雪尚飛年年草色見春遲不知上國開旂李開到東風第

幾枝

題虞芮二君祠呂柟一段閒田跬步多千秋令譽似洪波秦疆晉城俱淪滅讓

由清風尚未磨

竭申生祠劉孝煙塹茫茫霜樹環膈酸無奈淚重潛魂飛一夜應城碧青塚而今照

紫山

題襄陵分司韓邦奇汾水春深落霞沿堤十里盡莼花盡船簫鼓遊人醉漫

說風流是杜家是

又姑射泉邊萬竹稠清風樓外四山秋重陽醉後歸來晚黃菊紛紛插滿頭

鬧塗驛阻雪趙廷松大雪近報黃塵息老興孤吟白雲詩願得六花深十丈沙

塲凍殺小胡兒

行邊方日乾山城禾稼萬家秋豐葦斜陽飽臥牛野老不愁烽燧警預修春耜理春疇

又關城西望路迢迢王鬣嘶風鐵馬驕日逐年來常款塞鴈門新出漢嫖姚

又近邊男女作胡歌立馬回頭感慨多烟樹寒沙愁極日華戎咫尺隔長河

又誰道儒生不識兵鴈門飛將我知名寒雲衰草蒙恬塚空作防胡萬里城

又郵亭到處是吾家簾捲西峯看雪花日暮樓頭一聲角等閒吹散遍城沙

又雪夜相逢劍佩收且將詩酒共賡酬晚風吹落梅花角惹起江湖一片憂

娘子關王世貞夫人城北走降氏娘子軍前高義旗今日關頭成獨笑可無巾幗贈

男兒

吊晉王墓周弘禴汴河流血染征衣源上西師盡解圍夜半酒沉鼙鼓急孤鳥却

向晉陽飛

咏雪晉王求桂高齋短榻把詩裁月滿寒窓雪滿
來歌臺愧我無才虛此夕陽春誰作郢

汾河晚渡靖安王新環夕浪長風野色昏烟汀渺
處深夜漁渺隔江村扁舟載月知何

郭子章水連三晉咽黃昏竟渡歸人過遠村
有客悲歌懷古處江流黯淡轉銷魂

土堂惟栢靖安王新環岩畔誰穿古佛堂參天孤
栢鬱蒼蒼山雲飛去禪關

靜遠壑泉漱夕陽

郭子章卓錫何年啟鴈堂虬蟠古栢幼凌蒼
托根長伴祇園樹不逐山花媚艷陽

嶠嶠紅葉靖安王新環嶙峋萬仞勢千霄鳥道凌
空度石橋霜後楓林春郁

映彩雲飄郁嵐光遙

郭子章嶠嶠寶刹倚青霄幾樹丹楓蔭短橋
葉栢霜林禪臥穩綵霞搖曳火珠飄

烈石寒泉靖安王新環山迴泉湧奮洪濤蛟室常
陰絕岸高鳴犢祠前碑剝

落千春翁擁晉旌旄

郭子章噴泉漱玉走飛濤一色蓮花半壁高
紅日臨流偏激灑翻疑匹練閃朱旄

天門積雪靖安王新環削壁雲寒盡日陰于年堆
擁玉花深分明一逕通閭

闔金闕龍光日照臨

郭子章同雲慣鎖壁門陰瑞雪凝花萬壘深
玉闕遙瞻天尺五何人飛鳥愜登臨

古城夕照靖安王新環保障城邊對夕曛蛙聲聒
聒夜猶聞荒臺歌瓦迷秋

草空谷黃昏瑣暮雲

郭子章晉陽城畔倚斜曛短笛數聲何處聞
老樹蕭蕭蒿半莖參差古堞擁歸雲

蒙山曉月靖安王新塚

曙光初轉月微茫宿霧濛濛萬樹蒼古洞露寒瑤草

濕山人高臥野雲房

郭子章

月掛西林尚渺茫蒙山曉霧薄曼蒼此中疑有高人臥紫氣猶緘薜荔房

晉祠流水靖安王新塚

潺湲清帶叔虞祠浩浩源通太液池桐葉驚風溪畔

落猶疑戲剪玉塔時

郭子章

風雲環抱子于祠祠下清流匯綠池漢室飛梁何處是殘碑細讀說唐時

白鶴觀崔士際

白鶴丰姿迥出群一聲清唳半天聞令威今返人非舊惟有青山與

雲白

咏五臺山百歲老僧王傳

手種青松數十圍白頭弟子掛緇衣耳邊聽得

喃喃語又是春風燕子飛

紀變閭樸

仗劍晨登百雉城風翻采燄五雲明防胡不用多戎馬只有人心是甲兵

又

客兵十萬連營出朝戰城南暮城北露下空原碧草凄敗死不葬烏鳶食

又

漢士戰亡魂尚哭胡兵獵去燒猶紅西風古逕行人少惟見荆榛烟雨中

又

天畔愁雲結暮陰無端戈甲滿霜林屠人血迸長河水猶自馳封報捷音

又

西風一夜落寒梧鳴笛山城片月孤見說天兵猶轉戰不知擒得左賢無

北斗山王鑰

峰勢連環似七星嶙峋秀色倚天清夜深斗柄東西指山與天樞一樣橫

遊白仁岩王三聘

松下何勞問小童白雲深處有仙翁自從覓得長生訣懶出桃

花第一

遊晉溪史士舉

小橋流水竹蕭森竹裏人家一徑深只欠東風小籬落梅花踈漢月

籠陰

春日嘉溪取網

嘉溪春暖柳垂絲上有黃鸝深處啼挾彈或驚公子過翀雲飛去夕

西陽

岩洞旅雨朱繪

十里亭前岩洞多含烟帶土枕長河憑將落勢懸千古雨驟風狂任

過客

望太子灘苗朝陽

荒灘縹緲暮雲隈昔日何如今草萊千古滔滔灘外水夕陽影

裏斷
鴻哀

七言律

唐寄太原李光顏楊巨源

王塞含悽見鴈行北垣新詔拜恩長弟兄間世

真飛將貔虎歸時似故鄉鼓角因風飄朔氣旌旗映水發秋光河源畧地心猶壯笑向天西萬里霜

酬振武十二大夫韓愈

傾朝共美寵光頻半歲遷作虎臣戎旆暫看辭社

樹里門先下敬鄉人橫飛王蓋家山曉遠蹀金珂塞草春自嘆平生誇膽氣不離文字鬢毛新

送邊將之鴈門李頻

防秋戎馬恐來奔詔發將軍出鴈門遙領短兵登龍首獨

橫長劍向河源旌旗落日黃雲動鼓角陰風白草翻若使干戈更深入應聞收捷到崑崙

平陸城樓晚望王翰

連日南風掃宿霾高樓獨上遣騎懷山圍晉國千峯合河

壯秦關萬里來鴈帶斷雲歸極浦鴉鳴殘日下高崖茅津礪口人片輕帆向晚開

絳州懷古郭元履

東擁城端步綠苔更堪千里暮雲開西山鳳舞天邊去北水龍

飛掌上來池沼盛隋餘瓦礫綺羅全晉變蒿萊興亡欲問無人語滿目秋風野鳥哀

駕幸河東杜牧

捷書皆應睿謀期十萬曾無一鏃遺漢武慙夸朔方地周宣休道太

原師威加塞北寒來早恩入河源凍去遲聽取滿城歌舞曲涼州聲韻遠參差

題蒲津河亭唐彥謙

宿雨清秋霽景澄廣亭高樹更晨興烟橫博望乘槎水口

上文王避雨陵孤棹夷猶期獨往曲欄愁絕
每常憑思鄉懷古多傷別此際哀吟幾不勝

宋遊叔虞祠張伯玉
廟中桐葉手中文閒讀高碑
拂素塵異隴歸禾曾見玉徒

林射兒獨留神關河莫問周秦事花木誰分
漢魏春惟有門前舊溪水秋風幽咽送行人

金代州書事趙秉文
六月秋萬里山河雄朔部四
時風月入南樓漢家戰伐雲千里唐季英雄

土一丘繫馬朱欄重回首烟波誰在釣魚舟
過鴈門關元好問四海於今正一家生民何處不

飛六出花雲暗白楊連馬邑天生青塚渺
龍沙憑高吊古情無盡空對西風數去鴉

國朝過盤陀鎮于謙
亂石多風約閒雲難作雨渠
風流水不成河門開野店群鷄唱花發春山

百鳥歌一段好懷無處着令人對景贊吟哦
題南節婦程敏政半壁寒燈照苦辛白頭并作素

常繫此身雪後松筠真奈晚風前苑李漫
爭春旌門已下恩榮詔繫節還思版蕩臣

忻州道中林魁
秋風迢遞晉陽田遙望關山一
扶天江梅夜落聞霜角塞草春稀帶暮

煙莫道鐵衣寒到骨千金須記買龍泉
演武亭觀營前人魏巍棟宇蔽青天山水滌湘七

近絕狼烟但令宛馬朝輪闕肯放單于夜
入邊况是嫖姚親督武行看露布綴旒懸

謁晉祠喜重修工成黃洪毗
晉陽城外甕山邊唐
流雲低拂樹懸崖噓露曲浮川碑橫斷草傷遺事

廟刻新楹憶往年桐葉驚風無數下還疑戲剪玉
階

貢院試士王世貞
萬古人文禹甸開千山梗杞建
章材騰空雨挾龍門上躡景風

從馬邑來彩筆祗應推晉問黃金端不讓
燕臺壯稱公子賢多客卓犖誰當五士才

百五

百五

百五

百五

百五

登晉陽南城樓前人

高城飛閣頻孱顏，陟絕丹梯手自攀。四塞西開秦道路，百

盤中吐晉河山雲，邊雨觀扶鳩尾天。末千峯出，

代州譙樓周弘禴

天涯作客獨登樓，長笛誰歌出塞愁。勾注遠從雲外落，滹沱近

向檻前流，白狼漢壁人千古。紫鴈秦城土一杯，正是逐臣堪洒淚。涼風五月易成秋。

宿砂澗驛前人

西來車騎好誰共，雲鎖關門近幾重。拾字何須尋補闕，採薪還自問

開封山中介子書，難就江上陶潛酒。未逢最得禪心無，去住五臺月照朗高峯。

野史遺亭祝顯

東風小隊出郊垆，訪古因過野史亭。衰草又隨春日綠，好山偏向夕

陽青百年國事存私藁，一代才華著典刑。妙絕中州新樂府，興來高唱有誰聽。

經傅岩前人

層岡複澗遶崔巍，小殿荒涼倚路隈。操築何心通夢寐，和羹終喜得鹽梅。

三篇書在人千古，數尺碑存生一雄。此日岩前重下拜，夕陽臨去首頻回。

龍門遇雨宗太字

丹梯翠巘巖峨嶸，望多一柱雄標擎紫浪。蹴黃河老聃丹竈雲猶護，大禹神功未磨應是山靈愁。賦詠滿天風雨下，巖

太原懷古楊文卿

獨上山城思寂寥，英雄銷滅尚產居。留義士橋齊洞僧歸，雲岫嗚哇尚產居。民

過鴈門關胡謐

憲節巡遊八月天，鴈門外田歲稔戎車多。輓粟秋清峰煥不，烟觀風蕪得敷文教。那有刀麾擁後先，

烽火兩年猶夫怠，轉輸六月幾曾閒。憂深才劣成何事，一入行臺一厚顏。

過樺林等堡何喬新

北出長城小徑斜，崇墉數仞寂柴扉。戍卒家石澗幽，泉晨飲鹿營門殘。柳

暫向郵亭宿

笳鼓聲沉士不諱

駐奇嵐魏紳

歲值連荒食正艱，使車何處

烽火兩年猶夫怠，轉輸六月幾曾閒。憂深才劣成何事，一入行臺一厚顏。

過樺林等堡何喬新

北出長城小徑斜，崇墉數仞寂柴扉。戍卒家石澗幽，泉晨飲鹿營門殘。柳

暫向郵亭宿，笳鼓聲沉士不諱。

太谷城正芳

黃雲斷處聳孤城拂曉登臨曙
色清草木已銷秦日月關山猶

插漢單旌何年玄扈分金檢此地王橋奏
玉笙四顧荒屯平楚靜材官羅列滿幽并

臨汾懷古李咨

河山寂寞古原空劍壘消沉漢業
終蕭鼓只今惟逝水樓船不見自

秋風征鴻影沒浮雲外寒杵聲微遠樹
中無柰興亡起惆悵夕陽衰草恨何窮

過汾陰熊迥

後土祠前猿鶴哀武皇遺跡擁高臺
千官護輦旌旗映幾度清光草木摧

古栢參差凌碧漢殘碑橫臥長莓苔
至今惟有秋風曲萬古雄聲羨帝材

題雲中張定徵

連城朔氣暗塵氛羌笛胡笳遠近
聞征戍歲殫飛輓力河山天限大

年群五更鼓角催關月七校旌旄擁陣
雲鎖鑰北門原重寄只今誰是李將軍

過汾陰祠張學顏

蘭菊芳殘萬壑哀白雲千古護
空臺秋風瑟瑟人何在汾水潺

潺岸已摧后土有靈扃夜月
蒼苔條山不刻南薰石何似悲歌漢武才

